



Photo Charrouin, St-Pol-de-Léon

Gwerz, ar Presidant DOUMER lazet a daoliou revolver gant eur Russ hanvet Gorguloff



Photo Charrouin, St-Pol-de-Léon

Son nevez, savet
gant ar Barz Francis MOAL ha François STÉPHAN
an daou ganer kastellad

I

Eun darvoud braz mignoned
E Franz zo c'hoarvezet
Hor Presidant ken karet
Siouaz a zo lazet.

II

Eun den oa deuz ar gwella
E peb leac'h oa brudet
Chentil oa vel ar bara
An holl zo glac'haret

III

Epad ar brezel spountuz
Pevar mab en deuz kollet
War an dachen ker skrijuz
Ho gwad ho deuz skuilhet

IV

Gorguloff ez eo hanvet
'N hini dennaz varnhan
En eur c'horn e zoa kuzet
O c'hortoz anezhan.

V

Neuze kerkent ma velaz
Ar Presidant Doumer
Varnhan deostu e tennaz
M'heur a denn revolver.

VI

Ar paourkeaz koz gwal baket
En e skoaz, en e benn
E kreiz an noz zo marvet
Ranket en deuz tremen.

VII

An holl dud, ker glac'haret
O velet eur seurt tra
War ar Russ ho deuz lamet
Evit klask e laza.

VIII

A gleiz, hag a ziou
An taoliou gweze druz
Ma zoa lakeat e c'hinou
En eur stad truezuz.

IX

Poan braz doa an archerien
O tifen anezhan :
« Maro d'an estranjourien !!! »
Veze iouc'het varnhan.

X

Goulennomp holl Fransizien
Evinthan ar maro
A kass kuit, an holl estren
A zo e koll ar vro.

XI

Ar vro, gantho zo kollet
Dont a reont a verniou
A c'hoaz vezont ket nec'het
C'hober deomp lezennou.

XII

Ar Franz, a zo kalz re vad
A ro digemer d'an holl
Ma kendañh c'hoaz eur pennad
Eo sur da vont da goll.

XIII

Goude drebi hor bara
A digemer anezho
E teont c'hoaz da laza
Ar re c'houarn ar vro.

XIV

Kristenien, en o tiegeziou
Lavarit eur Bater
Vit ma ielo d'au Envou
Ar Presidant Doumer.

(Reproduction interdite).